



# დაიჯესტი

14 - 20 მარტი, 2022



ტერორიზმის კვლევითი ცენტრი  
TERRORISM RESEARCH CENTER

## ამერიკის შეერთებული შტატები

14 მარტს, 21 წლის მამაკაცმა სიეტლიდან, სასამართლო პროცესის მსვლელობისას აღიარა [ტერორისტულ](#) ორგანიზაცია დაეშვი განევრიანების მცდელობა. ილვინ უილიამსი 2021 წლის ივნისში სიეტლ-ტაკომას აეროპორტში რეგისტრაციის დროს დააკავეს.

17 მარტს, ნიუ-იორკელ მამაკაცს, რომელსაც ბრალად ედებათ თალიბანის დახმარების მცდელობა ამერიკელი სამხედროების წინააღმდეგ ბრძოლაში, [8 წლით თავისუფლების აღკვეთა მიესაჯა.](#)

## გაერთიანებული სამეფო

ლონდონში გაიმართა კონფერენცია ტერორიზმის საკითხებზე, რომლის მიზანიც არის დედაქალაქის ცენტრად ქცევა პროექტი [„მსოფლიოში ყველაზე უსაფრთხო ქალაქის“ ფარგლებში.](#)

## გერმანია

15 მარტს, გერმანიის უშიშროების სამსახურმა წარმოადგინა 10-პუნქტიანი გეგმა, რომელიც გულისხმობს [ქვეყანაში ულტრამემარჯვენე ექსტრემიზმის წინააღმდეგ ბრძოლას](#) და მიზნად ისახავს სულ მცირე 1500 ექსტრემისტის განიარაღებას.

## ისრაელი

გასულ კვირას, დასავლეთ სანაპიროზე შეტაკების შედეგად ისრაელის თავდაცვის ძალებმა მოკლეს ორი პალესტინელი. ისრაელის სასაზღვრო პოლიციის [განცხადებით](#), ლტოლვილთა ბანაკში მიმდინარე ოპერაციის განმავლობაში დასავლეთ სანაპიროზე, ცეცხლსასროლი იარაღით შეიარაღებულმა პირმა შენიღბულ ოფიცერს გაუხსნა ცეცხლი.

## სირია

ჩრდილო-აღმოსავლეთ სირიაში, [ალ-ჰოლის ბანაკიდან გაიქცა ორი ქალი](#), რომლებსაც კავშირები ჰქონდათ დაეშთან.

## იემენი

15 მარტს, [იემენის სამხრეთ რეგიონში მანქანის](#) აფეთქების შედეგად დაიღუპა 4 ადამიანი და დაიჭრა ათეულობით, მათ შორის უსაფრთხოების სამსახურის უფროსი მეთაური. ამ დროისათვის მომხდარზე პასუხისმგებლობა არავის აუღია, თუმცა საგულისხმოა აჯანყებული ჰუსიტების აქტივობა ქვეყნის სამხრეთ ნაწილში.

## ტუნისი

ტუნისის ეროვნული გვარდიის ანტიტერორისტული დეპარტამენტის ქვედანაყოფების განცხადებით, მათ შეძლეს გამოეკლინათ [დაეშთან დაკავშირებული ჯგუფი](#), რომელიც თავს „ალ მუვაჰიდს“ უწოდებდა.

## მაროკო

მაროკოში, ანტიტერორისტული ოპერაციის დროს დააკავეს [დაეშთან დაკავშირებული 5 ექვმიტანილი](#). რომლებიც გეგმავდნენ თავდასხმებს უსაფრთხოების ძალებსა და მთავრობის წარმომადგენლებზე.

## მალი

Human Right Watch-ის 15 მარტის [განცხადებით](#), ალ-კაიდასა და დაეშთან დაკავშირებული ჯიჰადისტური ჯგუფების მიერ განხორციელებული თავდასხმების შედეგად 107-ზე მეტი მოქალაქე დაიღუპა მალიში ბოლო თვეების განმავლობაში.

## კენია

კენიის თავდაცვის ძალების სულ მცირე 9 ჯარისკაცი დაიღუპა გზაზე დამონტაჟებული ბომბის აფეთქების შედეგად. [ოფიციალური პირების](#) განცხადებით, ასაფეთქებელი ხელსაწყო დამონტაჟება უკავშირდება ალ-შაბააბის დაჯგუფებას.

## ნიგერია

15 მარტს, ნიგერიის ცენტრალურ და ჩრდილო-დასავლეთ ნაწილში შეიარაღებული პირების თავდასხმას [11 ადამიანის სიცოცხლე](#) ემსხვერპლა.